

IMAQARNILIAQ MAA - Meeqqanut Atuarfeqarnermullu Ataatsimiititaq 18-12-2018

Ulloq ataatsimiiffissaq Tirsdag 18. december 2018 kl. 16:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliat Aningaasaqarnermut Inuussutissarsiornermullu Ataatsimiititamut.....	8
Tapiiffigitinnissamut malittarisassat nutarternissaannut siunnersuut.....	9
Taasariaqartut allat.....	15
Suliat matoqqasut.....	16
Imaqarniliap akuerineqarnera.....	17

Punkt 0: Saqqa

Henrik Rachlev (IA)

Knud Mathiassen (IA)

Uju Petersen (IA)

Thiiioq Knudsen (S)

Michael Rosing (SA)

Beslutning

Henrik Rachlev (IA) oqarasuaatikkut peqataassaaq Uju Petersenilu (IA) qinnuigaa ataatsimiinnermi aqutsisooqqullugu.

5 min. kingusinaarpugut ukiortaamiit kingusinaarnerit nalunaarsorneqartalissapput.

Ingerlatsivimmit Frederik Lundbladip immikkoortoq 05A saqqummiutissavaa.

Punkt 1: Oqaluuserisassat akuerineqarneri

Beslutning

Oqaluuserisassat akuerineqarput.

Punkt 2: Nalunaarutit

2a. Siulittaasumit nalunaarutit

2b. Ingerlatsivimmit nalunaarutit

Beslutning

Soqanngilaq.

Punkt 3: Ilisimatitsissutit

Soqanngilaq

Beslutning

Soqanngilaq.

Punkt 4: Aalajangiiffisassat

Soqanngilaq

Beslutning

Soqanngilaq.

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

Punkt 05A: Tapiiffigitinnissamut malittarisassat nutarternissaannut siunnersuut

Beslutning

Ataatsimiititap siunnersuut 3 ingerlatsiviup innersuussutaa naapertorlugu akuersissutigaa.

Innersuussutit akuersissutigineqarput.

Aaqqissuussinermi allannguutit ilanngusseq 3-imiipput.

Bilag

Bilag 1- Forslag-1-Fornyelse-tilskudsregler-alm 22923_KAL.docx

Bilag 2 - Forslag-2-Fornyelse-af-tilskudsregler-1-november_22923_KAL.docx

Bilag-3 - Forslag-3-Fordelings-eksempler-i-fordelingsnøgleprincip-KAL.docx

Bilag 4 - Tilskudsregler pr 1 april 2014 DA (3).pdf

Bilag 5 - Høringssvar fra december 2017.docx

Bilag 6 - Høringssvar fra august 2018.docx

Bilag 7 - Høringssvar fra september 2018.docx

Tapiiffigitinnissamut malittarisassat nutarternissaannut siunnersuut

Sammissaqartitsineq aamma timersorneq

Aalajangiiffigisassaq

J. nr.: 55.02

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Tapiiffigitinnissamut malittarisassat maanna atuuttut maajip qaammataani 2014-meersut allanngortinnissaannut Meeqqanut Atuarfeqarnermullu Ingerlatsivik siunnersuusiorpoq. Allannguuteqarnissamut siunnersuuteqarneq ilaatigut inatsimmi allannguinnermit tunngaveqarpoq, matumani innersuussutigineqarpoq Kulturikkut ingerlatsineq sunngiffimmilu sammissasaqartitsineq pillugit Inatsisartut inatsisaat nr. 5, 6. juni 2016-imeersoq peqatigiiffiillu allaffissorikkut suliaqartarnerat annikinnerpaaffianiitillugu.

Suliap suliarineqarnerani siullermi AIA itigartippa allattoqarfimmullu utertillugu, kissaatigineqarmat siunnersuutit iluaqutai, ajoqutai kingunerisassaalu ersarissarneqassasut.

Tamanna tunngavigalugu Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititap tapiiffigitinnissamut malittarisassanut siunnersuutit pingasut akornanni arlaat isummerfigissagaa inassuteqaatigaa.

Suliaq Aningaasaqarnermut ataatsimiititap aamma Inuussutissarsiornermut Ataatsimiititap ulloq 13 decembari 2018 aappassaaneerlugu ataatsimiissutiginerani itigartitsissutigineqarpoq allatseqarfimmullu utertinneqarpoq, Ataatsimiititap siunnersuutigineqartut pingasut arlaat Ataatsimiititamit toqqagassanngornissaa kissaatigineqarmat.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Susasaqartitsinerneq timersornermullu tapiiffigineqarsinnaanermut malittarisassaasannaasunut siunnersuutit pingasuusut akornanni Meeqqanut Atuarfeqarnermullu Ataatsimiititap isummerfigissagaa, Ingerlatsivimmillu siunnersuut nr. 3 innersuussutigineqarpoq
- Meeqqanut Atuarfeqarnermullu Ataatsimiititap suliaq Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut akuersissutigisassanngorlugu ingerlateqqissagaa

Suliassamik saqqummiussineq

Susasaqartitsinerneq timersornermullu tapiissuteqarnermut malittarisassat nutarterneqassasut Meeqqanut Atuarfeqarnermullu Ingerlatsivimmit aalajangiunneqarpoq. Siunertaavoq ilaatigut peqatigiiffiit allaffissornermik suliaqarnerata annikillisaaffiginissaa.

Tapiiffigitinnissamut malittarisassat innuttaasunut peqatigiiffinnullu Meeqqanut Atuarfeqarnermullu Ingerlatsivimmit pingasoriarlugit tusarniaassutigineqarput. Tusarniaaneq siulleq nalinginnaasumik tusarniaaneruvoq, tassanilu malittarisassat naleqqussarnissaannut siunnersuutissaqartoqaruni soqutigisaqatigiit siunnersuuteqaqquneqarlutik. Tassani katillugit tusarniaassummut akissuteqaatit pingasut ingerlatsivimmit tiguneqarput. Tusarniaanerit aappaat malittarisassanut agguasseriaatsimut tunngasuuvoq tassanilu tusarniaassummut akissutit ingerlatsivimmit tiguneqartut 11-pput. Naggataatigullu tusarniaanerit pingajuat ingerlanneqarpoq, tassanilu

ingerlatsivik sukumiisunik pingasunik siunnersuuteqarpoq tusarniaassummullu akissutit marluk ingerlatsiviup tigullugit.

Allannguutissatut siunnersuutit pingasut tassaapput:

Siunnersuut 1:

Maannakkut tapiissuteqartarnermut malittarisassat allanngortinnagit ingerlaannassasut. Tunngaviatigut ukioq kaajallallugu timersornikkut unammuaarnernut tapiiffiqineqarnissamut peqatigiiffiit qinnuteqarsinnaapput. Qinnuteqarnermi billetsit inniminnernerat uppersaaitut ilanngunneqartassapput, sullissinerlu ullut tallimat sinnerlugit sivirususeqarpat, pitsaanngequtigisinaavaa angalanissamut inniminniinerit peqatigiiffinit annaaneqartut, tassami ullut tallimaatinnagit angalatitseqatigiiffini malittarisassat malillugit akilerneqareersimasussaagamik. Siunnersuut 1 naapertorlugu Peqqinnermut Susasaqartitsinermullu Immikkoortortaqruiup tapiiffiqitinnissamut malittarisassat najoqqutassartai attatiinnarpai, taamaattumik malittarisassat allanngunngingajapput, taamaattoq ataasiakkaat eqqaassanngikkaanni ataanilu erseqqissarneqarput.

Tapiiffiqitinnissamut malittarisassat allanngortinneqarnissaannut siunnersuut 1:

- Meeqqanut pinerluuteqarsimannginnermut uppersaateqarnissaq malittarisassani ilaatinneqarpoq. Sungiusaasunik sulisoqalernermit meeqqanik pinerliisimannginnermut uppersaatinik peqatigiiffiit pissarseqqaassasut pisussaaffiliisoqarpoq, tassa Meeqqanik pinerliisimannginnermut uppersaatinik piumasaqaateqartussaaitaaneq pillugu Inatsisartut inatsisaata allanngortinnera pillugu Inatsisartut inatsisaat nr. 7, 3. juni 2015-imeersoq. (Atuuffiata annertusinera).
- Inuit ataasiakkaat nammineq akilikkaminnik najugarisartik qimallugu pikkorissartunut peqataajartornerannut tunngasoq – tapiissuteqarnermut malittarisassanit peerneqarpoq. Pissutigalugu pikkorissarnerit inatsisatigut tapersorsorneqarsinnaannginnamik, pissutigalugu pikkorissarnerit piginnaasaqarnerulernissanut tunngasuummata, Kulturikkut ingerlatsineq sunngiffimmilu sammisasaqartitsineq pillugu Inatsisartut inatsisaat nr. 5, 6. juni 2016-imeersoq innersuussutigineqarpoq.
- Tapiiffiqineqarnissamut malittarisassaniit oqaatsit pillugit pikkorissarnissamut periarfissat peerneqarput, pikkorissarnermut tapiisarnerit pillugit tunngavilersuutaa assigaa.
- Erinarsoqatigiinnermut tunngatillugu, § 8.1, 8.2 aamma 8.3 tapiissuteqarnermut malittarisassanit peerneqarput. Matumani erinarsoqatigiinneq sammisasaqartitsinerugami peqatigiiffittulli allatut periarfissaqartinneqassallutik, siunnersuut 1 innersuussutigalugu.
- Pequtinik atortussanillu pissarsineq malittarisassanit peerneqarput, pissutigalugu qaqutigut atorineqartaramik.
- Pokalinik pisinissamut tapiissutit amerlanerpaamik 5.000 koruuninngortinneqarput. Sakkortuumik timersuutitut tapiissuteqartarneq pillugu amerlanerpaamik angalanermit uterlugulu billetsit affaa tapiiffiqineqartarpoq. Maanna tapiissutit allanngortinneqarput peqataasumut ataatsimut 1.500 koruuninngortinneqarlutik, matumani sakkortuumik timersuutit peqataaffiqineqartarnissaannut soqutiginnittut amerliartorneri pissutaapput.

Siunnersuut 1-mi pitsaaqutit:

Periarfissat killilersuinerillu pioreersut peqatigiiffinit ilisimaarineqarput, taamaattumik allannguut una paasinartuassooq.

Siunnersuut 1-mi akornngutit:

Billetsit neqeroorutit akillu pissarsiarereernerisa kingorna angalatitsisartut piffissaliussaata ullut tallimaasut peqatigiiffinit malinniarniqarnissaat ajornakusoortinneqassaaq, peqatigiiffiit uppersaaitissarpassuarnik allakkanik Kommuneqarfik Sermersuumut tunniussisussaaneq pissutigalugu. Misillitakkat najoqqutaralugit uppersaatinik tamakkuninnga

paarlaasseqatigiittarneq peqatigiiffinnut ilungersunartarpoq, pissutigalugu paasissutissat arlallit amigartarmata. Taamatut suliaqarnerinnaq sivisusarpoq. Peqatigiiffiit ulapileruttormik nalaani qinnuteqaateqartarput sullissinertaalu sivisusinnaalluni.

Tapiissutit amerlanerpaat angalanernut atorneqartarput. Peqatigiiffiit mikinerusut angalanissaminnut tapiissutisineq ajorput, taamaallaat tapiissutimininnguit peqatigiiffiup ilaasortaanut atugassanik qinnuteqartoqarsinnaavoq, soorlu ilaasortamut ataatsimut 100 kr..

Siunnersuut 1-ip kingunerisinnaasai:

Peqatigiiffiit namminneq najugaqarfimminni nalinginnaasumik ineriartortitsinissaminnut tapiissutisineq ajorput. Peqatigiiffiit taamaalisut suli angalatitseqatigiiffiit piffissaliussaata naammassiuminaatsissuaat allatullu ajornartumik immaqa aningaasartuutissanut ileqqaartariaqartarsinnaallutik, peqatigiiffiillu tamarmik taamaaliorsinnaanngillat.

Allaffeqarfimmit ilassutitut aningaasaliisoqarnissaanik qinnuteqartoqaratarsinnaavoq, ilaatigut peqatigiiffiit immikkut pineqarnissaat pinngitsoortinniarlugu ilaatigut kingusinnerusukkut peqatigiiffiit allat eqqarsaatigalugit GM-ertitsinissaq peqqutaalluni. Matumani angalanernut tapiissutit procentitai allanngortinneqassanngitsut eqqarsaatigineqarput.

Siunnersuut 2:

Tapiissuteqartarnermut siunnersuut 2 siunnersuut 1-imi periuseq assigaa, taamaattoq peqatigiiffinnut tamanut qinnuteqarnissamut piffissaliunneqartoq aningaasat atorneqarnissaannut ukiumik ataatsimik sioqqutsisitsilluni novembarip ulluisa aallaqqaataanut killilerneqarpoq. Aningaasat januaarip aallartinnerani agguanneqassapput. Siunnersuutip pitsaaqutigivaa, peqatigiiffiit sammisaqarnissatik namminneerlutik pilersaarusiorsinnaalissagaat, soorlu procenti aalajangersimasooq naapertorlugu tapiiffigineqarnissatik peqatigiiffiit/qinnuteqartut tamarmik naatsorsuutsittassasut. Tamatuma saniatigut billetsinik piffissaq eqqorlugu akiliisarnissamut peqatigiiffinnut ajornaallisaataassaaq.

Siunnersuut 2-mi pitsaaqutit:

Tapiiffigitinnissamut siunnersuut 2-p pitsaaqutigissavaa peqatigiiffiit ilisimaarimmatigit periarfissat killissarititaasullu. Taamaattumik una allannguut paasiuminassaaq. Tapiissutillu tunniutinnginnerini procentiunneqartussa assigiitsinneqassapput. Siunnersuutip peqatigiiffiit billetsit piffissaq eqqorlugu akilernissaannut ajornannginnerulertitsissaaq, peqatigiiffiit tapiissutit ukiup aallartinnerani tigusartussaammatigit.

Siunnersuut 2-mi akornngutit:

Peqatigiiffiit tamarmik novembarip ulluisa aallaqqaataanni siumungaaq GM sumi ingerlanneqarnissaanik nalunaarutiginiissaanut periarfissaqarnaviannnginnerat. Matumani peqqutaavoq kattuffiit immikkut ittut ukiup tulliani GM-imik ingerlatsinissamut sumiiffimmik ulluliinissamillu piareersimatitsinaviannngimmata tamatumalu saniatigut finalernissanut anngunniunnerit ingerlateqqaartussaallugit. Peqatigiiffiit naatsorsuutigisamit ikinnerusunik imaluunniit amerlanerusunik tapiissutiseratarsinnaapput, peqqutigalugu billetsit akii allanngorartarmata. Novembarip ulluisa aallaqqaataanniit qinnuteqartunut aningaasaliissutaasut tamaasa atorneqassappata, angalanissanut imaluunniit sammisassaqaartitsinernut naatsorsuutaanngitsunut ingerlatsivik tapiisnaassanngilaq. Tapiissutit siumoortumik sumut atornissaat aaliangersagaapput, imatut paasillugu tapiissutit tapiisarnermut aaliangersakkat malillugit taamaallaat atorneqarsinnaapput.

Siunnersuut 2-p kingunerisinnaasai:

Peqatigiiffiit sammisassaqaartitsinertik piareersarluarnerulersinnaavaat. Peqatigiiffiit ilaannut tamanna ajoqutaassinnaavoq.

Ingerlatsivik aningaasanik immikkoortitsisariaqartassaaq, timersuutit ilai pissartanngorniunnerit aallartinnginnerini anngunniunnertaqartarmata.

Siunnersuut 3:

Siunnersuut 3 siunertaraa peqatigiiffinnut ingerlatsinikkut tapiissutit tunniunneqarnerini pingaarnertut agguaassassat. Aningaasaliissutit katillugit tapiissutit peqatigiiffinnut ataasiakkaanut naatsorsoriarlugit tapiissutigineqassapput, tassani peqatigiiffinnut ukiuni kingullerni pingasuni tapiissutaasimasut agguaqatigiisillugit tunngavigineqassapput.

Siunnersuut 3-mi pitsaaqutit:

Siunnersuutip pitsaaqutigivaa peqatigiiffiit tamarmik qinnuteqaqqaaratik tapiiffigineqartassammata, Peqatigiiffinni tamani peqatigiiffilerinermi ineriartortitsinissamut atugassarititaasut assigiilissapput. Siunnersuut 3 akuersissutigineqassappat, ukiup missingersuusiorfiusup aallartinnerani peqatigiiffiit paasitineqassapput tapiissutissaat qanoq amerlatigissanersut aamma taamaalillutik sammisassaqartitsinerit siunissami pisussat pilersaarusionsinnaanngorlugit. Aaqqiissut una atorlugu peqatigiiffiit siunissami missingersuutit namminneq aqussinnaassavaat ilaatigut katersuillutik peqatigiiffilerinermilu anguniakkamik angunissaannut aningaasat atorlugit. Peqatigiiffiit allaffissornerat annikinnerulissaaq. Allaffeqarfimmi sullissineq ullunik 30-nik sivissuseqassanngilaq, taamaalillutik peqatigiiffiit Kommuneqarfik Sermersooq utaqqisassanngilaat.

Siunnersuut 3-mi akorngutit:

Pitsaanngequtigissavaa peqatigiiffiit ilaat siusinnerusumut naleqqiullugu annikinnerusunik tapiiffigineqartalissammata, pissutigalugu aningaasat agguataarneqassammata. Peqatigiiffik arlalinnik immikkoortortaqaareersoq taamaalilluni tapiissutinik immikkoortortaminut agguaassisalissaaq.

Siunnersuut 3-p kingunerisinnaasai:

Kingunerisinnaasai tassaasinnaapput peqatigiiffiit ukiuni kingullerni unammiffiusartuniit ungasinnermi pissartanngorniutivinnernut ilaassappata aningaasartuuteqarsinnaanissaq annertunerusumik namminneq akiligassaqaalersinnaanerat, akerlianilli illoqarfigisami unammersuaartoqarpat aningaasartuutit ikinnerussapput iluaqutissiisunik. Peqatigiiffiit naatsorsuinerminni ilimagigunukku aappaagornissaanut aningaasartuutissat annertuumik annertunerussasut kommunimut maajip aallaqqaataatinnagu qinnutigisinnaavaat, aningaasaqarnermut missingersuutinut qinnuteqaatit ilanngunneqassammata. Peqatigiiffiit qinnuteqaasiornermut piffissaq atugassartik suliainnut pingaarnernut atorsinnaalissavaat.

Aaqqiissutissatut siunnersuut – suliatigut naliliineq

Tusarniaassummut akissutit tunniunneqartut pitsaaqutit, ajoqutit kingunerisassaalu maanna Meeqqanut Atuarfeqarnermullu Ingerlatsivimmit ataatsimoortinneqarput.

Tusarniaassummut akissuteqaataasut tunngavigalugit tapiiffigitinnissamut malittarisassat allanngortinneqarneri eqqarsaatigalugit peqatigiiffinnit assigiinngitsunik isumaqarfigineqartut ingerlatsivimmit paasineqarpoq. Peqatigiiffiit ilaasa siunnersuut 3 piumaneruaat, tassanilu pissartanngorniuttunut peqataanissamut tamatigut aningaasanik qinnuteqartariaqannginneq tunngavilersuutigaat.

Ilaat isumaqarput siunnersuut 3 naapertorlugu aningaasat agguataarneranni naligiittoqanngitsoq, taakkulu siunnersuut 1 imaluunniit 2 piumanerullugu, ilaatigut ukiumiit ukiumut pissartanngorniunnerit sumiiffiisa assigiinngitsuusarnerat tunngavilersuutigalugu. Ingerlatsivimmiit ilisimaneqartoq aamma tassaavoq, pioreersut allanngortinneqarnerat peqatigiiffiit/innuttaasut assigiinngitsunik malugiumaaraat. Taamaattumik agguaariaatsip peqatigiiffiit ilaannit naammagineqartuaannannginnissaa ilisimaarilluinnarneqarpoq.

Peqatigiiffiit nutaat ukiup missingersuusiorfiusup ingerlanerani pilersinneqarsinnaasut ingerlatsivimmit ilisimaarineqarpoq. Tamakkulu piareersimaffiginialugit 250.000 koruunit ingerlatsivimmit immikkoortinneqarput. Aningaasanik atunngitsuukkanik peqassagaluarpat peqatigiiffinnut agguataarneqassapput. Ilanngussaq 3 innersuussutigalugu.

Aningaasaqarnikkut sulisoqarnikkullu naliliinerit

Timersornermut tapiissutitut aningaasartuutit 2,7 millioniupput. Siunnersuut 1 naapertorlugu ukiup ingerlanerani tapiissuteqarnermut malittarisassani akigititap allanngortinnissaa periarfissaassaaq, akerlianillu siunnersuut 2 aamma 3 naapertorlugit ukiup aallartinnerani aningaasaqarnermut tunngasut pitsaanerusumik malinnaaffigineqarsinnaallutik.

Inatsisitigut tunngavissaq allakkallu tunngaviusumik uppernarsaatitallit

Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr 5, 6. juni 2016-imeersoq

Ingerlariaqqinnissaq

Tapiiffigitinnissamut malittarisassat akuersissutigineqartut 1. januaari 2019-imi atuutilissapput. Allannguutit kommunip nittartagaatigut nalunaarutigineqarpata peqatigiiffiit tamarmik ilisimatinneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup malittarisassat ullutsinnut naleqquttut innersuussutigivai – tassani qaffasissuseq annerpaaq kommunalbestyrelsimit immikkoortinneqarnissaanut periarfissaalerluni – ilaatigut tapersersorusutat eqqarsaatigalugit. Maannakkut malittarisassat malillugit aningaasaliissutit malinneqarnissaat qularnartarpoq.

Aningaasaqarnermut Inuussutissarsiornermullu Ataatsimiititap decembarip 13-ani 2018-imi aalajangernera:

Ataatsimiititap suliaq Ataatsimiititamut suliaqartumut uterteqqippaa, taakkununga tapiinissamut malittarisassat pingasut aalajangiiffigeqqullugit.

Innuttaasunik peqataatitsineq/attaveqaqatigiinneq

Arlaleriarluni tusarniaasoqarpoq.

Tusarniaaneq 2017-imi decembarip ulluisa sisamaanni naavoq

Tusarniaaneq 2018-imi aggustip ulluisa aallaqqaataanni naavoq

Tusarniaaneq 2018-imi septembarip ulluisa 27-anni naavoq

Ingerlatsivinnit allanit oqaaseqaatit

Soqanngilaq

Ilanngussat

1. Tapiissuteqarnermut malittarisassatut siunnersuut 1
2. Tapiissuteqarnermut malittarisassatut siunnersuut 2
3. Tapiissuteqarnermut malittarisassatut siunnersuut 3
4. Susassaqaqtitsinerup timersornerullu iluani tapiissuteqarnermut malittarisassat maanna atuuttut
5. 2017-imi decembarimit tusarniaassummut akissutit
6. 2018-imi aggustimit tusarniaassummut akissutit
7. 2018-imi septembarimit tusarniaassummut akissutit

Punkt 6: Taasariaqartut allat

Soqanngilaq.

Beslutning

Soqanngilaq.

Punkt 7: Suliati matoqqasut

Soqanngilaq.

Beslutning

Soqanngilaq.

Punkt 8: Imaqarniliap akuerineqarnera

Beslutning

Imaqarniliaq akuerineqarpoq 12.31